

INUIT ATAQATIGIIT

INATSISARTUNI



UPA2024/34

5. Arpil 2024

Mikivsuk Thomassen

Uunga siunnersuutit: Peqqinnissaqarfíup iluani napparsimasut maalaaruteqarsinnaanerat taarsiiffingineqarsinnaanerallu pillugit Inatsisartut Inatsisaat.

(Peqqissutsimut Naalakkersuisoq)

Peqqinnisarsíup iluani maalaaruteqarsinnaanerup taarsiivigineqarsinnaanerlu pillugit inatsisitigut nutarterinissaq pisariaqarluinnartoq, saqqummiunneqarmat pisariaqavimallu Inuit Ataqatigiit qujassutigaarput.

Inuit kikkulluuniit, pineqarnermikkut eqqunngitsumik nalaataqarsimasut, maalaarsinnaanissamik pisinnaatitaaffeqartuassasut ikiorserneqarnermikkullu, Inuit Ataqatigiiniit pingaartitaraarput.

Peqqinnissarfímmiit innuttaasuniilu paaseqartigiittarnissaq pingaaruteqarluinnartuuvoq. Imminnut sumik naatsorsuuteqarnissaq ilisimaneqartariaqarmat.

Inuk nakorsiartarmat, peqqinngikkaangami, nakorsiartarmat ippigisaqarluni, nakorsamut paasiniaqqullugu suna nappaatigisinnaanerlugu.

Ilisimavarpulli oqaloqatigiilluarneq pisaraluartoq, nakorsiaqarmat pimoorullugu nakorsiarnermiini misissorluarneqanngitsutut misigisunik.

Maalaarsinnaanerit Nakorsamiit pineqarsimanermut, aamma sulisuniit kusanangitsumik pissusilorsorfigineqarnermut maalaarsinnaanermut periarfissaqartoqareeraluarpoq.

Ukiumut peqqinnissaqarfítsinni suliarineqartartut amerlasuujupput assigiinngitsunillu peqqinnissaqarfímmi suliarineqarsinnaaneq periarfissaalluni. Ilaatigut oqimaassinnaasarput suliat ilaatigullu annikinnerusinnaasarlutik.

Kukkusumik passunneqarsimanermut taarsiiffingineqarsinnaatitaanerup sukkanerusumik aalingiiffingineqarsinnaanerat Inatsimmi periarfissaassasoq, pisariaqavippoq. Inuit taarsiivigineqartussat sukkasumik aaliangiiffineqartarnissaat pisariaqarluinnarpoq.

INUIT ATAQATIGIIT

INATSISARTUNI



Inatsisissatut siunnersuutip siunertarimmagu:

Maalaaruteqarnissamut taarsiiffigitinnissamullu aaqqissuussinermik katickamik nutaamik
aalajangersaanikkut peqqinnissaqarfimmi napparsimasut pitsaanerusumik
sunniuteqarluarnerusumillu maalaaruteqarnissamut taarsiiffigitinnissamullu periarfissaqarnissaasa
qulakkeernissaannik kissaateqarneq.

Angajoqqaat meeqqaminnik annaasaqartut, qanigisaasullu annaasaqartut annaasaqarnerat
alianaraluaqisoq sullinneqarneq pillugu kukkuluttorfigitissimasut taarsiiffigineqarsinnaalernissaat
pitsaasuuvvoq. Angajoqqaatummi annaasaqarnermi annertunerusumik pisariaqartitsineq
nalaaneqarsinnaammat assersuutigalugu, pisinnaatitaafit saniatigut sivisunerusumik
sulinngiffeqarnermik pisariaqartitsisinnaaneq, psykologimik oqaloqateqarsinnaaneq, allatigulluuniit
nalaataqarsimanerup kinguneranik aningaasanik nalilinnik pisariaqartitsisinnaaneq, tassuunakkut
matussuserneqarnissaat pisinnaammat.

Taamaatumik Inatsisissatut sunnersuut Ilaqutariinnermut Peqqissutsimullu Ataatsimiittitaliamut
suliarilluuaqqullugu inersuupparput.